



# مَخلُوقُ

ماجد ساوي

## ماجد ساوي

بياعة الورد بيعيني  
القلب قالب موازيني  
اضيع الدرب وتمشيني  
لو بس نظرة تكفيني  
تصبني في سراييني  
يا ممطرة غيمك يجيني  
تمادت الارض بيديني  
نبت شتاتك على عيني  
ياللي تبيعين اشريني

وانا اشترى وردكم كله  
وانتي مفاتنك ما شالله  
بعيونك السود ادله  
وان زدتي ما اقول انا الله  
تصبني منك الطلة  
يتركني عروق مبتلة  
صارت رهاريه... ومُظَلَّة  
اخاف لا السيف انا اسله  
وانا اشترى وردكم والله

## ماجد ساوي

ماكنت ادري اني بقدر على الكره  
 سبحان المغير ولا شي يغيره  
 ضحكت من قلبي على شي اذكره  
 طنشت اللي كنت بالروح اعبره  
 دورت له اعدار ما شي يعذره  
 نشدني عنه واحد قال خيره  
 قلت الققص يا هيه بيديه كسره  
 بعطر الثريا انا ثوبي اعطره  
 والنفس لا طابت تطيب وتوخره  
 زمناك بي ينشال ياللي تحدره  
 واني ابي اكرهه من عقب حبه  
 اللي وضعه بداخلي كيف ذبه  
 اخاف اقوله ادري ناسيه قلبه  
 ابعد وابعدت وغدى مر قربه  
 افلتت يديني وطاح تلقفه تربة  
 بين الفضا وبين الققص وانت هبة  
 وحرر انا ما اشارك احد بسربه  
 وبالجوزا معلق سيوف وحرية  
 ما تلتفت لظلال والارض غربة  
 ولمثل فمي قدم الحق شربة

## ماجد ساوي

وخلني من الليل نومه وسهره  
لي شراز الغراب يطيره  
الشعر للكل والكل يبحره  
الشعر بأبسط تعاريفه ذرة  
ما على الشاعر من المستشعرة  
ما اعترف بالارض حتى تنكره  
بين هالغصن وبين مزهره  
لبدوي ارتكى ببیت شعره  
فك له مجند وطس من اصفره

وخلني من الشمس وكذبة كل عام  
لا لبسه الواسط يبين الحمام  
لاهو ابويه ولا هو من العماد  
وفيه ذرة بس يجييونه عظام  
تنوي النية وينرام المرام  
حفنة تراب صعاليك لنام  
وبين شوكة ومتروك الكلام  
مس طنبة وسط ميدان السلام  
وفطر برمييه بواريه صيام

## ماجد ساوي

الشمس بعيني من اصبحت للظهر  
والقلب جمرٍ من غدا قلبه الجمر ؟  
اركب سفيه القوم اصايل شقر  
يا ليتكن ملتن ولا للرددي ذكر  
على جهنم يبعثونه من القبر  
اقولها بالعقل واقولها بسكر  
ما تكتبين اسمك على كفوفي السمر  
واموت حرٍ مبصر يموت الحر

اليوم شين وابتدا الشين بنار  
الصدر قمقوم من الغبن فوار  
تفو ياوقتٍ غلا فيه الحمار  
يامايلاتٍ مايلة فوق الاحرار  
ياعل من بابه مدقر بدقار  
وكلمة احبك لو غدت كلها غبار  
انا يديني اوراق ويدينيك احبار  
اعيش وما اخاف من طعن غدار

## ماجد ساوي

اشوفك بالمدى شمسٍ اشوفك كذك الفرقد  
مشيت الدرب لاجلك كل خطوة فيك تجدد  
بصدفه جيت شار عكم ولا اطلع الا بموعد  
وجيده غارق بالثلج شعره فوقه مرجد  
هدير البحر ياصوته هديل طيور يتردد  
ولا بيوم طلبنا منكم ابيض ولا اسود  
واخذنا الشوك ورود وقلنا للتعب زود  
شواطيكم لنا اقرب ومرساكم لنا ابعد

انا الغادي بنصف الليل وانت النجم للغادي  
لك الله منتهي قبلك وبعيونك انا البادي  
سالني غصنك الفتان قلت انا من الوادي  
فتح لي كفه الابيض عليه خضاب بغدادي  
وغنى لي مثل فيروز غنت يوم لشادي  
عطينا الحب اشواق عطينا الحب ايادي  
نزفنا الدم دموع وقلنا للتعب عادي  
تعلمنا على الامواج وانتم موجكم هادي

## ماجد ساوي

والا انا مخطي والحب مخطيني  
 عسى بكم مثلنا يا بو المزاييني  
 يا ليت والله يجيكم مثل ما يجيني  
 عودك تثنى وانا دجت بساتيني  
 بين التعاريف تطلع وانت ناسيني  
 ما حاصل كود طيفك وينك وويني  
 وشلون ابي اتركك وانت بشراييني  
 ما ظل كود الوريد وليت يكفيني  
 عسى يجينا هبوب منكم زيني  
 تكفى ترفق بنا ترنا مساكيني

يا سيد البيض هو قلبك مثل قلبي  
 قلبي عليكم خطير ذايب صبي  
 يشهد علينا سهرنا وشاهد ربي  
 يا بو جديل على المتنين متربي  
 اذكرك حتى وانا فاتح كتبني  
 الله يا زين طيفك لا جلس جنبني  
 وشلون ابي اكرهك وانت تحبني  
 القلب عقبك عطيب معطبه عطبي  
 بنيت بيت شباييكة على الغربي  
 يا سيد البيض لا العب بك وتلعب بي

## ماجد ساوي

يالابسة زينِ تري الزين لغياب  
 ما نعرف الشباك ومن سكر الباب  
 بغابة شكوكِ تلمين الاغراب  
 اللعب نلعب لكن الحب نرتاب  
 حنا صدقنا لكن بوقت كذاب  
 صدري تدلينه وانا كلي ابواب  
 هذي تري نقلة ونزداد اعجاب  
 واللي بنفسك عارفه كنه كتاب  
 يالابسه حسنِ يبي يصير لتراب  
 اللي أسرك بالحب ما تاسرينه  
 ما نظرقه والله لو تفتحينه  
 تضحكين الخبل وتمازحينه  
 تعلمي الشطرنج ولا تلعبينه  
 وحنا نحط الموج وسط السفينه  
 القلب نفرش والهوى تاخذينه  
 نجمع التصفيق ولو خاسرينه  
 عيوني قرونِ ولو تخفيينه  
 قلبي من البالود ما تكسرينه



## ماجد ساوي

مخلوق من طينة الانصاف  
راكز هنا نطع وسياف  
اسوق ظلي على الخواف  
البرد ملبسه لحاف  
ولو هو يصير الزمن إسفاف  
وامسي بعد ما علي خلاف

مخلوق من معدن الذمّه  
خليفة ناسي الامّة  
والثاير اثور في دمّه  
والحر مشربه سمّه  
اقتطف الورد واشمّه  
في ذمه الله يا يمّه

## ماجد ساوي

دخيلك لا مشيتي لا مشيتي لا تجين  
 أبي تستبعديني للبعاد وتبعدين  
 تعبت أودعك كل يوم وانتى ترجعين  
 أخلي عرعر وبالعقربية تطلعين  
 أجي انساك ولامني نسيك ياحنين  
 ابي انسى ولكن كيف انسى الشفتين  
 تحنين وأحن وآه يابعض الحنين  
 كفاك إجرام يكفي بالبراءة تذبحين  
 يهون الليل والشباك اللي تفتحين  
 طلبتك فارقيني فارقيني وش تبين؟

أبي منك فراق فراق دنيا وأخرة  
 طلبتك تهجريني أهجري يامهاجرة  
 ولاعمرك تعبتي تسكنيني عابرة؟!  
 اسافر عنك والقائك معي مسافرة  
 يجي يفرش لك النسيان كل الذاكرة!!؟  
 اذا الما لا شربته ذقت ريقك بآخره  
 وبعض الشوق اللي للنهود النافرة  
 سألتك كم صريع للعيون الخادرة  
 ابعرف كيف اسكر صبح جابك سافره  
 دخيل الله ابيه فراق دنيا وأخرة

# ديوان - ماجد ساوي

• فَنَسِيخِ  
• مَخْلُوقِ  
• تَنَانِمِ  
• عَلَيْنَهَا السَّلَامُ  
• أَطْلَانِ سَلَقِمِ

<http://alzaweyah.atwebpages.com>

لمخاطبة الشاعر بالامكان المراسلة على عنوان الشاعر

ماجد ساوي - الزاوية المملكة العربية السعودية 9238- ابو فراس الحمداني الصالحية - عرعر 4183-73241

او عبر البريد الالكتروني

alzaweyah@gmail.com  
majed-sawi@hotmail.com

معلومات اخرى

---

البريد الالكتروني

[majed-sawi@hotmail.com](mailto:majed-sawi@hotmail.com)

الفيسبوك

<https://www.facebook.com/majed.sawi.home>

التويتر

<https://twitter.com/MajedSawi>

الانستقرام

<https://www.instagram.com/majedsawi/>

السناب شات

majedsawi2017